



ЧОРВАЧИЛИК ВА ПАРРАНДАЧИЛИКНИ РИВОЖЛАНТИРИШ МАСАЛАЛАРИ КЎРИБ ЧИҚИЛДИ

Президент Шавкат Мирзиёев 5 август куни чорвачилик ва паррандачилик тармоқларини ривожлантириш, гўшт ва сут маҳсулотлари ишлаб чиқаришни кўпайтириш ҳамда соҳага замонавий технологияларни жорий этиш чора-тадбирлари юзасидан тақдимот билан танишди.

Мамлакатимизда аҳоли сони ва туризм оқимининг ўсиши озиқ-овқат маҳсулотларига бўлган талабини ҳам оширмоқда. Ҳозирги кунда гўштга бўлган йиллик талаб 2 миллион 150 минг тоннани, ишлаб чиқариш ҳажми эса 1 миллион 600 минг тоннани ташкил этмоқда.

Шу боис, тақдимотда 2026-2028 йилларда чорвачилик маҳсулотлари ишлаб чиқариш ҳажмини ошириш бўйича ишлаб чиқилган комплекс чоралар муҳокама қилинди.

Фаолият юритмаётган корхоналарни тиклаш, чорвачиликка ихтисослашган туманларни қўллаб-қувватлаш, аҳоли хонадонларида енгил конструкцияли молхоналар қуриш ва янги лойиҳаларни амалга ошириш ҳисобига қўшимча 190 минг тонна гўшт ишлаб чиқариш имконияти мавжудлиги қайд этилди.

Жумладан, фаолияти тўхтаб қолган 103 та чорвачилик корхонасини соғломлаштириш режалаштирилган. Уларнинг қарзларини реструктуризация қилиш ёки ўн йилга бўлиб тўлаш, озуқа етиштириш учун ер майдонлари ажратиш ва насли моллар билан таъминлаш таклиф этилди. Натижада 33 минг бош қорамол парваришланиб, йилга 12 минг тонна гўшт ва 40 минг тонна сут ишлаб чиқариш имконияти яратилади.

Чорвачиликка ихтисослашган 13 та туманда 75 минг гектар озуқа майдонидан самарали фойдаланиш, кичик чорвачилик лойиҳаларини молиялаштириш, сут қабул қилиш пунктлари ва озуқа сотиш шохобчаларини ташкил этиш кўзда тутилган.

Шунингдек, аҳоли хонадонларида 20 сотих майдонда енгил конструкцияли 11 мингта молхона қуриш ва уларда 421 минг бош қорамол парваришлаш режалаштирилган.

Умумий қиймати 3 триллион сўм бўлган 802 та янги лойиҳа доирасида 68 минг бошдан зиёд қорамол ҳамда 186 минг бош қўй ва эчки парваришлаш

кўзда тутилган. Ушбу лойиҳалар йилга қўшимча 20 минг тонна гўшт ва 120 минг тонна сут ишлаб чиқариш имконини беради.

Қорақалпоғистон мисолида чорвачилик комплексларини соғломлаштириш бўйича сунъий интеллект ёрдамида тайёрланган таҳлил натижалари ҳам кўриб чиқилди. Ўрганилган 20 та комплекснинг қарзи 109,6 миллиард сўмни ташкил этиб, уларнинг ярми юқори хавфли тоифага киритилган. Аксарият объектларда озуқа майдонлари ва зарур инфраструктура етарли эмас.

Шундан келиб чиқиб, қарз юқини енгиллаштириш, озуқа базасини шакллантириш, комплексларни дастлаб пилот тартибда, кейинчалик босқичма-босқич ишга тушириш ва насли моллар билан таъминлаш бўйича таклифлар билдирилди.

Мўғулистондан 150 минг бош қўй, Хитой ва Европа давлатларидан 100 минг бош насли қорамол, Беларусь Республикасидан 2 минг бош мол олиб келиш режалаштирилмоқда. Бу орқали йилга қўшимча 44 минг тонна гўшт ишлаб чиқариш имконияти яратилади.

Умуман, чорвачилик тармоғини ривожлантириш учун 463 миллион доллар миқдорида маблағ йўналтириш кўзда тутилган.

Аҳоли хонадонлари ва чорвачиликка ихтисослашган маҳаллаларни қўллаб-қувватлаш масалаларига алоҳида эътибор қаратилди. Республиканинг 191 та туманида 2 минг 407 та чорвачиликка ихтисослашган маҳалла мавжуд бўлиб, уларда 823 мингта хонадон ва 3,9 миллион нафар аҳоли истиқомат қилади.

Ушбу хонадонларга арзон чорва моллари етказиб бериш, сигирларни сунъий уруғлантириш, ем-хашак таъминоти ва зооветеринария хизматларини яхшилаш, наслдор бузоқларни идентификация қилиш ҳамда улар учун субсидия ажратиш таклиф этилди. Натижада хонадонларда чорва бош

сони ва маҳсулдорлик ортиши, аҳоли учун қўшимча даромад манбалари яратилиши кутилмоқда.

Наслчилик соҳасида 13 та туманда ҳар бири 200 бош қорамолга мўлжалланган хўжаликлар ташкил этиш, йилга 500 минг бош сигирни сараланган уруғ билан сунъий уруғлантириш ва эмбрион трансплантацияси технологияларини кенг жорий қилиш режалаштирилган.

Тақдимотда Ўзбекистон чорвадорлар уюшмасини ташкил этиш таклифи ҳам кўриб чиқилди. Янги тузилма чорвадорлар манфаатларини ҳимоя қилиш, кооперацияни ривожлантириш, насличилик ишлари, илмий тадқиқот ва инновацияларни қўллаб-қувватлаш, молиявий кўмак кўрсатиш ҳамда ташқи бозорларга чиқишга кўмаклашиш билан шугулланади.

Фермерлар ва аҳоли учун “Smart Farmer” ягона рақамли ёрдамчиси ҳам тақдим этилди. Мобил илова орқали чорва молларини идентификация қилиш, ветеринар қақариш, сунъий уруғлантириш, озиклантириш ва яйловларни бошқариш бўйича маълумот олиш, субсидияларга мурожаат қилиш ва сунъий интеллект асосида маслаҳат олиш мумкин бўлади.

Паррандачилик соҳасида умумий қиймати 432 миллион доллар бўлган лойиҳаларни амалга ошириш кўзда тутилган. Мазкур лойиҳалар ҳисобига 2028 йилгача қўшимча 100 минг тонна парранда гўшти ишлаб чиқариш, озуқа-ем қувватини 3,3 миллион тоннага етказиш ва замонавий сўйиш тизими қамровини 20 фойздан 50 фойзга ошириш мақсад қилинган.

Давлатимиз раҳбари лойиҳаларнинг иқтисодий самарадорлигини чуқур таҳлил қилиш, маблағларни манзилли йўналтириш, рақамли ҳисоб ва мониторинг йўлга қўйиш, ички бозорни сифатли ва ҳамёнбоп маҳсулотлар билан барқарор таъминлаш бўйича мутасаддиларга топшириқлар берди.

ЎЗА

ЮКСАК ТАРАҚҚИЁТ ДАСТУРИ

Ҳар бир мамлакат тараққиёти, аввало, иқтисодиётнинг барқарор ўсиши, аҳоли фаровонлиги юксалиши ва инсон манфаатлари таъминланиши билан ўлчанади. Сўнгги йилларда мамлакатимиздаги кенг қўламли ислохотлар айнан шу эзгу мақсадларга хизмат қилаётгани билан аҳамиятлидир.



Муносабат

Давлатимиз раҳбари раислигида ўтказилган видеоселектор йиғилишида жорий йилнинг биринчи ярмида эришилган натижалар ҳамда йил якунига қадар бажарилиши лозим бўлган устувор вазифалар атрофида муҳокама қилинди. Бу йиғилиш нафақат иқтисодий кўрсаткичлар таҳлили, балки тараққиётимизнинг янги босқичига қаратилган муҳим сиёсий дастур сифатида ҳам аҳамият касб этди.

Қайд этилганидек, жорий йилнинг олти ойида мамлакат иқтисодиёти 8,5 фойз ўсди, бунда саноатда 8 фойз, хизмат кўрсатиш соҳасида 16,9 фойз, қурилишда 13,8 фойз ва қишлоқ хўжалигида 4,7 фойз ўсиш кузатилди.

➤ *Давоми 2-бетда*



“ПРЕЗИДЕНТ СОВҒАСИ” КАРВОНИ ЙЎЛГА ЧИҚДИ

Янги ўқув йили бошланишига оз вақт қолди. 2026/2027 ўқув йилида мамлакатимиздаги 10 минг 225 та умумтаълим мактабида 550 мингдан ортиқ ўқитувчи 6,7 миллиондан зиёд ўқувчига таълим-тарбия бериши кутилмоқда. 5 август ҳолатига кўра, 1-синфга қабул қилиниши режалаштирилган 795 мингдан ошiq боладан 680 минг нафари рўйхатга олиб бўлинди.

➤ *Давоми 2-бетда*



Таҳлил

Ўзбекистон пахта етиштириш бўйича ҳамон дунёда етакчилардан. Аммо энди бу аввалгидек оғир меҳнатга асосланган, қилинган меҳнатга яраша ҳосил олинмайдиган амалиёт эмас. Бугун мамлакат пахтачилигида ўзгаришлар жуда катта. Янги ва серҳосил навлар кириб келди. Уруғчиликка муносабат ўзгарди. Қўшқатор экиш, томчилатиб суғориш, томчилатиб ўғитлаш (фертигация), дронлар, замонавий техника ва биотехнологиялар далага кириб борди. Энг муҳими, илм фақат лаборатория ёки илмий станцияларда эмас, фермер даласида натижа бера бошлади.

Яхши нав имкониятини очилган кўсак ва фермер даромадига айлантириш йўли



Биз кўриб турган бу ўзгаришлар ўз-ўзидан ўз бермади. Бунинг ортида катта сиёсий ирода, аниқ ислохотлар ётибди. Давлатимиз раҳбари бошчилигида қишлоқ хўжалигида фермер манфаатини кучайтириш, бозор тамойилларини жорий этиш, имтиёзли молиялаштириш ва субсидиялар, замонавий техника, сув тежовчи технологиялар, янги уруғ ва илмий ишланмаларни қўллаб-қувватлашга қаратилган изчил сиёсат амалга оширилди. Қисқача айтганда, давлат шароит ва рағбат яратди, олим ва мутахассис ечим таклиф қилди, фермер эса уни далада натижага айлантирди. Янги Ўзбекистон пахтачилигининг ўзига хос модели ана шу ҳамкорликда шаклланди.

➤ *Давоми 4-бетда*

НУРЛИ, ШУКУҲЛИ, ШАРАФЛИ

Сиёсатшунос Қудратилла Рафиқовнинг “Миллат Шавкати” китобини ўқиб



Давлат раҳбари ҳақида ёзишга жазм этиш катта ва жиддий тайёргарликни тақозо этади. Раҳбарнинг ҳаёт йўли, фаолияти, шахс сифатида шаклланиши, дунёқараши, тафаккур тарзи, зехнияти, янгидан-янги муаммоларга шайлиги... то бир-бирдан мураккаб ва чорасиз вазиятларда чора топа олишигача бўлган маҳорати... Очиги, бу санокдан ташқарида қолган мавзулар оз эмас. Миқёсини бу қадар катта ва кенг олишнинг эса ҳар ким уйдасидан чиқавермайди. Шижоати панд беради. Яна ҳаётий тажриба, синчковлик, кенглик, фикрлаш ва ёзиш лаёқатидан-да муҳимроқ маънавий ҳақ-хуқуқ масаласи кўндаланг бўлади.

Буюк олмон шоири Гёте шоир киши дунёни эстетик қадриятлар мезонларида идрок этишга ўзини маънан ҳақли деб ҳисобламоғи муҳимлигини алоҳида таъкидлаган эди. Давлат раҳбари ҳақида фикрлаш, ёзиш, мулоҳаза юритиш ва хулосалар чиқариш мезонларига ўзини — ўзлигини лойиқ ва муносиб кўриш, ўзини ана шундай қутлуг миссияга маънан ҳақли деб билиш... “Миллат Шавкати” китобини ўқиш асносида шу борадаги ўй-хаёллар тарқ этмайди китобхонни.

Мамлакатимизда давом этаётган тарихий ўн йиллик янгилиниш жараёнлари алоҳида ижодий салоҳият мақомларидагина қамраб олиниши мумкинлиги таниқли сиёсатшунос Қудратилла Рафиқов асарлари мисоли ва тимсолида кўзга ташланмоқда.

Муаллиф китобга жо бўлган 12 та мақоланинг ҳар бир мавзусига асосан уч йўналишда ёндашади. Булар:

— Ватанимизда кейинги 10 йил мобайнида амалга оширилган ва оширилаётган ислохотлар силсиласи;

— ислохотларнинг бош меъмори, ташаббускори ва раҳнамоси бўлмиш муҳтарам Президентимиз тимсоли;

— амалга оширилаётган барча ислохотлар, саъй-ҳаракатлардан кўзланган бош мақсад-муддао — халқимиз қалбидagi розилик ва шукроналик туйғуси тараннуми.

Қудратилла Рафиқовнинг ўзига хос баён услуби китобхонларга яхши таниш: осон, раво,

тушунарли ва самимий ёзади. Фикр-мулоҳазаларини оммабоп тилда изҳор этади. Ўқувчи қалби-шуурига йўл топади. Лекин шуни тан олиб таъкидлаш зарурки, ҳеч қанон ва ҳеч бир мавзуда осон ёзиш шунчаки осон кечмайди. Зеро, осон ёзиш маҳорати қаттиқ изланиш ва изчил ижодий заҳматлар эвазига қўлга киритилади.

Биринчи мақолада Тошкент марказида барпо этилган Tashkent City ҳақида сўз юритилади. Бор-йўғи 6-7 йилда қуриб битказилган ушбу маскандаги бунёдкорлик ишларини истаганча таърифлаш мумкин. Замонавий шаҳарсозлик, меъморчилик нуқтаи назаридан юртимиз учун беқеъслиги маъносида мақтанишга арзирли воқеа десак, муболага бўлмайди. Бу ўринда “мақтанишга” деган сўз бежиз тилга олингани йўқ. Мақола муаллифи Tashkent City қурилиши баҳонасида тафаккур ўзгаришидан сўз очмоқда. Сарлавҳага эътибор берайлик: “Бунёдкорликдан тафаккур ўзгариши сари” деганда нима назарда тутилмоқда?

Мамлакатимизда давом этаётган бунёдкорлик ишларидан истаганча фахрланиш, истаганча ҳайратланишга ҳақлимиз, аммо кўз ўнгимизда юз бераётган ана шу янгилинишларнинг тафаккуримизни ўзгартираётгани борасида қанча сўз очсак, шунча оз.

НУРЛИ, ШУКУҲЛИ, ШАРАФЛИ

Сиёсатшунос Қудратилла Рафиқовнинг “Миллат Шавкати” китобини ўқиб

“Ватан ва халқ шаъни, обрўсини юксалтириш ўз-ўзидан амалга ошиб қолмайди. Президентимиз иш бошлаган илк кунларданоқ миллатнинг қадрини жойига қўйиш, унинг кимлигини дунёга кўрсатиш қарорини дилига туккан эди. Ва бу улугъ ният ижобатига эришмоқликнинг энг яқин ва энг тўғри йўлини топди. Шавкат Мирзиёев бу йўл, биринчи навбатда, ўзини — ўзлигини топишдан, ўзини кўрсата олишдан бошланади деб билди!



Хуршид ДЎСТМУҲАММАД,
Ўзбекистонда хизмат кўрсатган
маданият ходими, филология
фанлари доктори, профессор

Бошланиши 1-бетда

Мақолада тасвирланганидек, Президент Шавкат Мирзиёев Tashkent Cityга ташриф буюрар экан, “Бу ерга дам олиш, томоша қилиш ёки сайру саёҳат учун келган одамларнинг қайфиятидан, рухиятидан қалби қувониб кетди”.

Таъкидлашдан қочмайлик, давлатимиз раҳбари марказдаги ҳашаматли осмонўпар бинолар қад ростлаганидан фахрланиш билан бир вақтда улар туфайли одамларимиз чехрасида чарақлаган қувончдан қувонмоқда! Ахир барча-барча ислохотлару тиниб-тинчимасликлар, изланишлару беҳаловатликлар замирида кўзда тутилган мақсад-муддоо ҳам шу эмасми?! Давлатимиз раҳбарининг қалби тубида узоқ йиллар вояга етган эзгу ниятлар ижобати тимсоли эмасми?!

Мақолада қардош Туркия тарихидан қизиқ бир мисол жуда ўрнида келтирилган. Мустафо Камол Отатурк халққа шилпа кийишни мажбур қилганида кийимни эмас, рухиятни ўзгартиришни мақсад қилган экан. Ўзбекистон Президенти эса кенг омма рухиятини ўзгартирмоқ, яъни тафаккурни янгилamoқ умидида йўл, кўприк қурмоқда, шу чикармоқда, саноат корхоналарига асос солимоқда, бог-роғ барпо этмоқда, шаҳар-қишлоқларимиз қиёфасини тубдан ўзгартирмоқда, аҳолига янгидан-янги Ситуларни тақдим этмоқда. Умумлаштириб айтганда, мустабидлик замонларида ўзгариши анча-мунча қийинлашиб қолган ҳаётлар дунёсига саррин шабадалар олиб киришни ислохотларнинг пойдевори деб билмоқда.

Бирок ҳаётнинг бўйсунмас мароми қизиқ экан-да, энг эзгу орзу-ниятлар, шодомонликлар орасида ғаразли кўлмалар сун ичган “Аммо... Лекин... Бирок...”лар биқиниб-пунси бог сақлайди-да, пайт пойлаб, тева-рак-атрофни дуд-бўронга буркайди. Мақолада бундай ҳолатларга тегишли муносабат билдирилган. Яъни “Мамлакатимизда амалга оширилаётган шунча ишлар устига парда тортиб, фақат иллат ва камчилик қидирадиган бир қавм ҳам кейинги йилларда бизда шаклланди.

Фақат ёмон дейиш, инкор қилиш, нолиш бундай одамларнинг асосий вазифасига айланиб қолгандай гўё”.

Бундай мулоҳазалар ранжитмай қўймайди одамни, албатта, айнаи вақтда яна бир ўзгармас ҳаёт ҳақиқати дилга некинлик бахш этади. Яъни ҳеч қачон ва ҳеч ерда қўланса дуд-бўрон тоза эсган шамолга бас келган эмас, келмайди ҳам!..

Масаланинг бошқа бир жиҳати шундаки, ўйлаб кўрилса,

4

ЖАМИЯТ

2026 йил 6 август, 158-сон

Таҳлил

ПАХТАЧИЛИКДАГИ САККИЗ ҚОНУНИЯТ

ЯХШИ НАВ ИМКОНИАТИНИ ОЧИЛГАН КЎСАК ВА ФЕРМЕР ДАРОМАДИГА АЙЛАНТИРИШ ЙЎЛИ

Иброҳим АБДУРАҲМОНОВ, қишлоқ хўжалиги вазири, академик, Президент хузуридаги Пахтачилик кенгаши раиси

Бошланиши 1-бетда

Бирок қўмакнинг ўзи юқори ҳосил дегани эмас. Субсидия ҳисобига ўрнатилган томчилатиш тизими тўлиқ ишлатилмаса, имтиёзли маблағга олинган техника тўғри соланмаса, яхши уруғ нотўғри схемага эжилса, давлат сарфи ҳам, фермер меҳнати ҳам кутилган самарани бермайди. Шунинг учун юқори ҳосилни биргина нав, ўғит ёки препарат эмас, ўзаро боғланган ишлар ва қатъий технология интизоми беради. Занжирнинг битта ҳалқаси узилса, қолган меҳнат самараси ҳам пасаяди.

Бугун ҳар биримиз смартфондан фойдаланамиз. Унинг процессори, хотираси ва камераси қанчалик кучли бўлмасин, керакли дастурлар бўлмаса, имконияти тўлиқ очилмайди. Қишлоқ хўжалигида ҳам шундай: яхши нав, сифатли уруғ ва кучли генетика — катта имконият. Ерни тайёрлаш, тўғри экиш, сув ва озۇқа бериш, ғўза туپини шакллантириш, зараркунандадан ҳимоя қилиш, етилишни бошқариш ва далани тоза сақлаш, давлат қўлоғи (субсидиялар ва имтиёзли кредитлар) эса шу имкониятини ишга туширадиган механизмдир. Бу — генетика билан эпигенетик билимнинг янги бirlашуви, яъни генетика навга салоҳият беради, сув, озۇқа, нур, ҳарорат, стресс ва парвариш эса шу салоҳиятнинг қай даражада намоён бўлишини белгилайди.

Ана шу тамойиллар асосида янги наshr — “Пахтачиликда юқори ҳосилдорлик сари: ҳар бир фермер бажариши шарт бўлган 8 қонун” номли методик қўланма тайёрланди. У ўзбек, рус ва инглиз тилларида ягона тўплам сифатида наshr этилмоқда. Бу ерда “қонун” деганда ҳуқуқий ҳужжат эмас, балки эътибордан четда қолдирилса, оқибати ҳосилда дарҳол кўринадиган асосий агротехник қондалар назарда тутилади.

Саккиз қонунга фақат ҳосилдорлик формуласи деб қараш камлик қилади. Улар инсон манфаатига йўналтирилган қишлоқ хўжалигининг амалий чегараларидир. Фермер даромади, далада ишлаётган меҳнаткаш хавфсизлиги, истеъмолчи ишончи, тупроқ ва сувнинг эртанги ҳолати ўзаро боғлиқ. Шу сабабли бу қондаларда иқтисодий манфаат билан бирга касбий одоб, экологик масъулият ва келажак авлод олдидаги бури ҳам муҳассам.

Қўланма китоб жавонига туриши эмас, далада фойдаланилиши учун тайёрланди. Унда фермер нимани ўлчаши, қайси пайтда қандай

Саккиз қонунда ўзбекистон пахтачилигининг янги маданиятини белгилайди. Зеро, юқори ҳосил тасодифан олинмайди. У давлат яратган имконият, илм берган ечим ва фермернинг ҳар қуни даладаги масъулиятли ҳаракати орқали кузатилади, ўлчанади, бошқарилади ва вужудга келади.

ЯНГИ ЎЗБЕКИСТОН

ҲОСИЛ УЧУН КЕРАК. ИНТИЗОМ АГРОТЕХНИК ТАЛАБДАН ТАШҚАРИ ДАВЛАТ ҚЎМАГИ, СУВ, ЕР ВА МЕҲНАТГА НИСБАТАН ҲАЛОЛ МУНОСАБАТ ҲАМДИР. ЧЕГАРАЛАР ЭСА ИШНИ ТЎҒРИ ЙЎЛДАН ЧИҚАРМАЛИК УЧУН ҚЎЙИЛАДИ.

Саккизинчиси — тоза дала келажак ҳосилига ҳурмат

Плётка ва томчилатиш лентаси сувни тежаш, тупроқ ҳароратини сақлаш, ниҳолни эрта ривожлантиришга хизмат қилади. Аммо мавсум охирида далада қолган плётка майда бўлақларга парчаланиб, тупроққа аралашса, ариқни тўсса ёки техникага ўралса, кечаги фойдали восита бугунги хавфга айланади.

Электр энергияси жуда фойдали, лекин ҳимоясиз сим хавфли. Йўл инсонга керак, лекин светофор ва қонда бўлмаса, ҳалокат келтиради. Полимер ҳам шундай: тўғри ишлатилса, сув

ИЖТИМОЙ ФАОЛ, ТАШАББУСКОР ВА РАҚОБАТБАРДОШ: ЗАМОНАВИЙ ПЕДАГОГЛИК АСОСЛАРИ

Таълим-тарбия инсон камолотининг негизи, жамият тараққиётининг маънавий пойдевори ҳамда миллий ўзликни мустаҳкамловчи энг муҳим ижтимоий омиллардан. Буюк давлатлар қудрати, улуг алломалар мероси, жамиятнинг маънавий салоҳияти ҳамisha баркамол авлодни вояга етказишга қаратилган ғоялар билан чамбарчас боғлиқ бўлган. Бу жараёни амалга оширувчилар эса, шак-шубҳасиз, устоз ва мураббийлардир. Уларга алоҳида эътибор ва ғамхўрлик кўрсатиш, турли имтиёз ва рағбат механизмлари орқали мунтазам қўллаб-қувватлаш давлатимизнинг доимий диққат марказидаги масалалардан.



Йил ўқитувчиси – 2026



Холбой ИБРАИМОВ,
Қори Ниёзий номидаги
Тарбия педагогикаси миллий
институтини директори,
педагогика фанлари доктори,
академик

Шу кунларда мана шу механизмнинг бир қисми бўлган йирик тадбирнинг гувоҳи ва иштирокчиси бўлди. Жорий йил июлнинг сўнгги кунларида мамлакатимизнинг барча вилоятида “Йил ўқитувчиси — 2026” танлови бўлиб ўтди. Қўтаринки руҳда, шаффоф ва адолатли муҳитда ўтган танловда институтимиз жамоаси билан фаол иштирок этдик. Танлов икки босқичдан иборат бўлиб, биринчисида педагогларнинг шахсий ривожланиши ва маънавий-маърифий соҳада ўз устида ишлаши беш мезон асосида аниқланди. Давлатимиз раҳбарининг ташаббуси билан илк бора ўтказилаётган мазкур танлов нафақат таълим тизимида, балки бутун жамиятимиз ҳаётида ўзига хос воқеага айланди. Юртимизнинг 208 туман ва шаҳридан сараланган иқтидорли 208 педагогнинг ҳар бири БҲМнинг 1400 баварари миқдоридаги пул мукофоти билан тақдирланади. Қалбида ҳаяжон билан турган муаллимларни синчков

кузатдик: шиддати, билими, касбий фаолиятдан, аввало, ўзи мамнун.

Ўқитувчиларнинг бутун жамиятдаги ўрни, касбий мақоми ҳамда ойлиги йилдан йилга ортиб бормоқда. Соҳа вакилларида кўрсатилаётган ана шундай юксак эътибор бежиз эмас, албатта. Зеро, устозлар маърифат боғининг боғбони, унинг ниҳоллари янги Ўзбекистоннинг келажакдир.

Ёшлар тарбияси ва таълими сифатини оширишда оила, мактаб ва маҳалла ҳамкорлиги стратегик аҳамият касб этмоқда. Устозларнинг “Оила — маҳалла — мактаб” ҳамкорлигидаги ишлари алоҳида аҳамиятга эга. Шу боис, иштирокчилар ушбу тамойил асосида ҳамкорлик юзасидан маҳалла фаоллари ва ёшлар билан қилган тизимли ишларини слайдларда намойиш этди. Хусусан, жорий йил институтимиз ташаббуси билан Қашқадарё вилояти Китоб туманида “Ота-оналар академияси” фаолияти йўлга қўйилди. Унинг очилиши доирасида “Маҳалла, оила ва мактаб интеграцияси асосида ёшлар тарбиясини ривожлантиришнинг ижтимоий-педагогик модели” мавзусида кенг қамровли ўқув семинари ўтказилди.

Қўтаринки руҳ ва юқори кайфиятда ўтказилган танловда бутун билимли ва малакали кадрларни шакллантиришга қаратилган тизим мамлакатнинг иқтисодиёти, ижтимоий ҳаётини ўзгартиришга қодир механизм эканини аниқлади. Билим капитал

Ҳар бир халқ ўзининг олис ўтмиши, тарихий илдиэлари, ота-боболари босиб ўтган йўллари яхши билиши, бу жараён қандай кечганини англаши, асрлар, даврлар синовидан ўтган урф-одат ва анъаналарни асраб-авайлаб, келажак наслларга етказиши лозим. Бунга амал қилмаган халқлар тарих саҳнасида тушиб қолганига мисоллар кўп. Чунки тарихий хотиранинг унутилиши миллий тараққиёт, эркин ҳаёт йўли учун курашларни заифлаштиради. Ҳамма замонлар учун ҳам муҳим бўлган ушбу сабоқни унутмаслик зарур.



Аҳмаджон МЕЛИБОЕВ,
Ўзбекистонда хизмат кўрсатган журналист

Инсоният неча минг йиллардан бери тинч-тотув, эмин-эркин, ўз хоҳиш-истагига кўра яшаб келиб келди. Ҳар бир халқ миллий тараққиётга юз тутар экан, табиийки, шу ният йўлида ўзига маъқул режалар тўзди. Мен кўрмаган рўшноликларни фарзандларим кўради, улар мендан кўра бахтли бўлади, дея эртанги кунга умид кўзи билан қарайди. Бу умид авлодлардан авлодларга ўтади. Турмуш, яшаш тарзи яхшиллангани сари инсоннинг маънавий-маиший истаги ортиб боради. Бу жараён ҳеч қачон тўхтамайди. Кураш давом этади.

Муттасил ўзгариб бораётган, гоҳ ўзини ўзи тушунай ҳам қолмаётган дунёнинг бир хусусияти шундаки, бугунги мураккаб гео-сиёсий, иқтисодий, экологик муаммолар фақат бир мамлакат ёки миллатга тааллуқли эмас. Уларни фақат бирга, бамаслаҳат, ҳамма томоннинг манфаатларидан келиб чиққан ҳолда ҳал қилиш мумкин.

Шу боис, Ўзбекистон Президентининг дунё ва минтақа давлатлари билан яхши қўшничилик, самимий дўстлик, қардошлиқ, манфаатли ҳамкорликни ҳар томонлама ривожлантириш, янги ҳамкорлар ҳисобига ҳаракат доирасини кенгайтиришга доир сиёсати ҳамда бу саноат-ҳаракатларнинг амалий



Нортожи ХАЛИБОЕВА,
Фарғона вилояти қирғиз миллий маданий маркази раиси, “Шуҳрат” медали соҳиби

Кейинги ўн йилликда бу яқинлик янада мустаҳкамланиб, ўзаро бори-келдимиз, дўстлигимиз, ҳамкорлигимиз кучаймоқда. Президентларимизнинг ўзаро ҳамжиҳат-



Дўстлик — чегара билмас

МУШТАРАК МАҚСАДЛАР САРИ...

натижаси мамлакатимизни яқин қўшнилар билан бирга жаҳон ҳамжамиятига ҳам янги ижтимоий-маънавий қиёфада намойён этди.

Улуг алломалар бу ёруғ оламда яшашдан мақсад — баҳам кўрмоқлик, деган экан. Бунинг маъноси шуки, ҳар бир инсон, ҳар бир давлат ўзига қандай рўшноликларни тиласа, улуг мақсадларни орзу қилса, бошқаларга ҳам тилаши, раво кўриши керак экан. Давлатимиз раҳбари аини шу йўлни танлади. Ўзбекистон ён қўшнилариинг кучли бўлишидан, барқарор ривожланишидан манфаатдорлигини очик эътироф этди.

Ҳеч бир киши бу ёруғ оламга бошқа бир инсонга зугум қилиш